

Baez Hozdung Doxlwnh Yawjhag Baenzlawz Guh Cuengh Gun Sonhag Daengx Gih Youq Vanzgyangh Haiguh

Baez hozdung doxlwnh yawjgonz baenzlawz guh Cuengh Gun sonhag daengx gih bi 2019 youz Swcigih Gyauyuzdingh Minzcuz Gyauyuzcu caeuq Minzcuz Gyauyuz Fanzcanj Cunghsinh cawjbanh, Vanzgyangh Mauznancuz Swciyen Gyauyuzgiz ciepbanh haenx, youq ndwen 5 ngoenz 30 daengz 31, youq Vanzgyangh Mauznancuz Swciyen haiguh.

Camgya baez hozdung neix miz Gvangjsih Minzcuz Dayoz dangveij suhgi Ben Cwngzlinz caeuq 3 boux gyausou; Gvangjsih Bouxcuengh Swcigih Gyauyuzdingh Minzcuz Gyauyuzcu cucangj Cinz Yengenh caeuq 4 boux lauxhangz; Nanzningz Swhfah Dayoz 5 boux lauxhangz; miz Hozciz Si Yizcouh Gih, Duh'anh Yauzcuz Swciyen, Dava Yauzcuz Swciyen, Bahmaj Yauzcuz

Swciyen, Fungsanh Yen, Nanzningz Si Vujmingz Gih, Denhngoz Yen caeuq Vanzgyangh Mauznancuz Swciyen gunguh 50 lai boux lauxsae.

Baez hozdung neix gunguh anbaiz sam aen neiyungz. Ngoenz 30 banhaet bae Sw'wnh Cinghdanz Siujyoz dingq dangzgoq caeuq yawjhag Cinghdanz Siujyoz "Raemxsienh" ndawhag vwnzva gingniemh gaisau; banringzgvaq, youq ndaw diegyouq faencuj yaenglwnh dingqgo cingzgvang; ngoenz 31 youq diegyouq fungghaihoih hai hoih hozdung cungjez.

Doenggvaq baez hozdung neix, daihgya gyalag roxnynh guh hong Cuengh Gun sonhag gig youqgaenj, youq ndaw dingq dangzgoq bingz dangzgoq doxlwnh hag rox baenzlawz guh Cuengh Gun sonhag. (Mungz Ningz/蒙宁)



▲ Gyoengqvunz bae yawjhag dingq dangzgoq.



▲ Roengzdangz le gyoengqvunz bae camgya hozdung yawj hagseng diuq fouxsaux.

◀ Gyoengqvunz yawj ndawhag Cinghdanz Siujyoz.

Dwzbauj Yen Gij Hozdung Gagnyienh Vwnzyi Bangrenz Cinjcing Vut Gungz

“Banggungz cwngcwz cingzeik ndei, gyo’mbaiq dangj aen cei q youqgaenj; bouxdauez ndei aendangj aeu danqhaenh, cing-saenz cibgouj laeb goenglauz……” Mboengq-neix, youq ndaw Dwzbauj Yen Fanghsanh Vwnzdij Gunghyenz, aen yienh neix ngoenz fugsah bouxgagnyienh vwnzyi haiguh aen hozdung comzyienj vwnzyi cawjdaez vut gungz gunggeng “bae daengz ndaw beksingq” youq gizneix yienj, yienhciengz ndaej bouxyawj dopfwngz haenh.

Baez yienjheiq neix hopheux aen cawj-

daez vut gungz gunggeng, yungh vaiqbanj Vahcuengh, diuqfoux Bouxcuengh, siujbinj daengj cezmu z ndei yawj doxlwnz hwnj daiz yienj, mboujdan danqhaenh seizdaih moq, youh miz gij yinxdaeuz heiq Dwzbauj, ndaej daengz gyoengq vunzlai haenggyaez.

Dwzbauj Yen Vwnzlenz naeuz, aen yienh neix daengheiq bouxgagnyienh vwnzyi miz 783 boux, youq bangrenz daengx yienh vut gungz gunggeng, saenqhwn g lajmbanj, hoenghvuengh vwnzva caeuq hwn gfat ndaw-biengz miz cozyung ndei.

(Veiz Haijlen/韦海练)



◀ Yienjheiq yienh-ciengz bouxgeq lwngyez bae humx yawj.



▲ Canghheiq son lwngyez raed ceij.

Lozcwngz: Hag Raed Ceij Coux “Roek It”

Ndwen 5 ngoenz 30, Lozcwngz Mulaujcu z Swciyen Daihgheih Siujyoz guh aen hozdung “feihyiz vwnzva haeuj hagdangz fwngzriengj raed ceij coux ‘roek it’”, cingj canghraedcej ndawbiengz daeuj son’gyauq dinfwn g z raed ceij, hawj gyoengq lwngyez hag raed ceij roxnynh yinxdaeuz feihyiz conzdungj vwnzva, angqcoux ciet lwngyez “roek it” daeujdaengz.

(Mungz Cwnghswh/蒙增师)